

# Sjednica skupštine ribozajednice

U starom dvorcu Iloku je 13. novembra održana sjednica Skupštine Poslovne zajednice slatkovodnog ribarstva Jugoslavije. Prisustvovala joj je većina delegata iz 32 OUR-a koji su članovi Poslovne zajednice.

Na dnevnom redu sjednice bili su razmatrani slijedeći problemi:

— Periodični obračun Poslovne zajednice za 9 mjeseci 1981. godine i izvještaj o poslovanju

— Izvoz ribe

— Svečano obilježavanje 80 godišnjice ribnjačarstva Jugoslavije, te izdavanje knjige »Slatkovodno ribarstvo« i monografije »80 godina ribnjačarstva u Jugoslaviji«

— Razno

Sjednicom Skupštine je rukovodio predsjednik Pavle Popić.

Za sve točke dnevnog reda delegati su dobili pisane materijale, pa se rad Skupštine odvijao brzo i efikasno.

Kratak izvještaj o poslovanju za 9 mjesec podnio je direktor PZ inž. Cvjetan Bojičić, a o finansijskom poslovanju šef računovodstva Greta Privušek. Plan poslovanja za 9 mjesec Poslovna zajednica nije ostvarila, kako količinski tako ni finansijski. Osnovica poslovanja — izvoz ribe je znatno podbacio, jer u proljeće i ljeto nije bilo ribe, a naročito traženog assortimenta. Radi toga pomalo gubimo najvažnija izvozna tržišta — njemačko i talijansko. Plan izvoza ostalih artikala je količinski ostvaren sa oko 80%, ali je vrijednosno

premašen, dok je plan uvoza ostvaren sa 85% što je u ovakvoj situaciji zadovoljavajuće.

Finansijski je Poslovna zajednica poslovala pozitivno i pored svih teškoća. Materijalni troškovi i troškovi Radne zajednice su pokriveni iz prihoda poslovanja, i viška prihoda članica iz prošle godine.

U IV kvartalu se očekuje znatno veći izvoz, pa će se članicama vratiti sredstva i pokriti svi troškovi.

Administrativno — stručne poslove i zadatke Poslovna zajednica, odnosno Rarna zajednica, je uspješno izvršavala. Ovdje ćemo samo pomenuti aktivnost u vezi nove registracije vanjsko-trgovinskih poduzeća, u koje spada i Ribozajednica radi vanjsko-trgovinskog poslovanja. Težnja našeg društva za sređenjem i okrupnjavanjem vanjsko-trgovinskih organizacija dovela je do odluke, da se izvrši preregistracija svih izvozno-uvoznih poduzeća na temelju dopunske kriterija. Njihova bit je vanjsko-trgovinski promet od 1 milijarde dinara, od toga 50% izvoza i 75% jedne grupe proizvoda — znači specijalizacija. Iako smo daleko od ispunjavanja prvog kriterija, radi naše izvozne orientacije, specijalizacije u ribarstvu i dugogodišnje tradicije, Privredna komora je predložila da Ribozajednica zadrži registraciju. Kako imamo podršku i ostalih faktora, smatramo da će taj problem biti pozitivno riješen.

O izvozu je referirao Aleksandar Gulić, šef izvoza-uvoza Ribozajednice. Uz osvrt o proteklom izvozu, upoznao je Skupštinu o planovima i procjeni mogućnosti izvoza i IV kvartalu. Sa zapadno-njemačkim i tali-

janskim partnerima smo djelomično ugovorili a djelomično dogovorili izvoz cca 600 tona ribe. Predložena je raspodjela te količine po članovima prema odnosu zacrtanom u Planu poslovanja. Konkretno izvršenje će ovisiti o kupcima i njihovim potrebama, te o našim mogućnostima, kvaliteti i assortimanu ribe i transportnim mogućnostima. Sa Poljskom je sačinjen ugovor o izvozu 2000 tona šarana. Kod raspodjele u STOFO-u je na Ribozajednicu raspoređeno 1360 tona. Izvoz živog šarana je po organizacijama raspoređen u odnosu na raspoložive naše i poljske vagone, a smrznuti šaran na organizacije koje imaju mogućnosti smrzavanja. Kako je ovaj izvoz u Poljsku specifičan radi problema plaćanja s poljske strane, sačinjen je aranžman sa nosiocem posla beogradskim Centrocoopom.

U diskusiji u ovoj točci dnevnog reda su učestvovali gotovo svi učesnici sjednice. Predstavnici Centrocoopa direktor izvoza Mišo Milosavljević i šef predstavništva u Varšavi Duško Uzelac su obavijestili o poteškoćama oko sklapanja ovog posla i njegove realizacije radi naših problema uvoznih prava. Ipak je savladano, izvoz je već počeo i nadaju se, da će uspješno završiti. Njima, kao i organizaciji Centrocoop je odano priznanje i zahvalnost na trudu, dobro obavljenom poslu i pomoći ribarstvu.

Delegati su izrazili svoje zadovoljstvo mogućnošću izvoza ribe u ovom kvartalu i spremnost da svaki svoju obavezu u potpunosti izvrši.

U trećoj točci dnevnog reda raspravlja je i odlučivanju o svečanom obilježavanju 80-te godišnjice ribnjačarstva Jugoslavije, te o izdavanju knjige »Slatkovodno ribarstvo« i monografije »80 godina ribnjačarstva u Jugoslaviji«. O tim problemima je Izvršni odbor već donio svoju pozitivnu odluku, na temelju koje je Redakcijski odbor sačinio plan knjiga Radna zajednica je

o tome razaslala organizacijama raspis i anketni list, a autorima pismo. Održan je i sastanak autora i redakcije, na kojem su planovi knjiga usaglašeni. Odaziv organizacija koje prihvataju ovu akciju vrlo je slab. Međutim, mnogi su izjavili da nije u pitanju neprihvatanje nego nemarnost, te da će to odmah ispraviti.

Nakon završene diskusije je donešena odluka, da će se u 1982. godini svečano obilježiti 80-ta godišnjica ribnjačarstva Jugoslavije i izdati navedena knjiga i monografija. Potrebni troškovi će se planirati u Planu poslovanja Ribozajednice za 1982. godinu, a zatražit će se i sredstva sa strane od odgovarajućih organa i institucija. Za provođenje ove akcije izabran je poseban odbor.

Pod razno je data informacija u vezi zahtjeva za povećanje cijena ribe i reorganizacije unutar Općeg udruženja poljoprivrede Jugoslavije. I pored prigovora da smo ovakvu organizaciju imali prije par godina, prihvaćeno je da se organizira grupacija za oba ribarstva — morsko i slatkvodno.

Na kraju ovog »raporta« sa sjednice Skupštine Ribozajedice bila bi greška ne zabilježiti, da su učesnici sjednice prisustvovali izvrsnoj degustaciji znamenitih iločkih vina u starom podrumu PIK-a Vukovar, gdje nas je inžinjer Mušula dočekao kao pravi domaćin. Naši ribari su također razgledali iločki muzej, te s naročitim interesima se upoznali sa izložbom starih ribarskih mreža, alata i ostalih eksponata u etnološkom odjeljenju.

Naš kolega inženjer Josip Blažek, rođen Iločanin, se pokazao kao izvrstan organizator i domaćin, pa je za preporuku da se i u buduće iskoristi ova njegova sposobnost. Također smo dužni odati priznanje i preporučiti usluge kolektiva Hotel »Dvorac« u Ilokru.

**Cvjetan Bojčić, dipl. inž.**